

壇壝

禮。諸侯立侯社國厲。祀境內山川。日月星辰風雲雷雨從乎天山林川澤從乎地。惟不得祭天地。餘神皆祭之。縣官古諸侯國也。神有專享。典有特禋。一視侯國。天下皆然。獨曲沃乎哉。獨斷曰。社。土神。共工氏之子勾龍。為土正。堯舉為社。稷。穀神。厲山氏之子柱。為田正。顓頊舉為稷。棄能殖百穀百蔬。亦為稷。以稷五穀長。故名神。社稷功同。故並處未位合祀。所以壇壝者。以受霜露。達天地之氣。表樹以列之。使民望見而加畏敬也。余多歷任所矣。石主神樹。惟曲沃方位合乎禮。志壇壝

新修曲沃縣志

卷十

壇壝

風雲雷雨山川壇

在城東南。明洪武七年。知縣李擴起建。朱武告竣。嘉靖九年。縣丞王懷禮修。

國朝雍正十一年。知縣王世銑重修。乾隆二十一年。知縣張坊重修。加建更衣所齋宿所各一楹。每歲春秋戊日致祭。

社稷壇

在城西北南向。並處未位合祀。明洪武七年。知縣李擴起建。朱武告竣。嘉靖九年。縣丞王懷禮修。

國朝雍正十一年。知縣王世銑重修。乾隆二十一年。知縣張坊重修。加建更衣所齋宿所各一楹。每歲春秋戊日致祭。

先農壇

在城北。雍正五年。知縣葉華暉建。每歲仲春亥日致祭。

邑厲壇

在城北。明洪武三年建。嘉靖九年。縣丞王懷禮修。雍正十一年。知縣王世銑重修。每歲清明七月十五日。

十月初一日。致祭。

鄉厲壇

在各鄉。厲壇之設。子產所謂鬼有所歸。乃不為厲也。陸稼書云。會典所載祭文。備極鬼神之情狀。皆聖賢

神道設教。通幽之誠意。乾隆二十三年。知縣張坊諭各里鄉社厲壇。令每年司事。亦三祭之。

乾隆八年

欽頒祭文附後

雩祭

社稷

先農

山川之神曰恭膺

詔命。撫育羣黎。仰體

彤廷。保赤之誠。勤農勸稼。俯惟部屋資生之本。力穡服田。令甲

爰頒。肅舉祈年之典。惟寅將事。用申守土之忱。黍稷維馨。尚

冀明昭之受賜。來牟率育。庶俾豐裕於盖藏。尚

饗

致祭

風雲雷雨

山川

城隍之神曰維

神贊。襄天澤。福佑蒼黎。佐靈化以流形。生成永賴。乘氣機而鼓

新修曲沃縣志

卷十 壇壝

二

湯。溫肅攸宜。磅礴高深。長保安貞之吉。憑依鞏固。實資捍禦

之功。幸民俗之殷盈。仰

神明之庇護。恭修歲祀。正值良辰。敬潔豆籩。祇陳牲幣。尚

饗

致祭

社稷之神曰維

神莫安九土。粒食萬邦。分五色以表封圻。育三農而蕃稼穡。恭

承守土。肅展明禋。時屆仲秋春。敬修祀典。庶丸丸松栢鞏磐石

於無疆。翼翼黍苗。佐神倉於不匱。尚

饗

致祭

先農之神曰維

神肇興稼穡。粒我蒸民。頌思文之德。克配彼天。念率育之功。常

陳時夏。茲當東作。咸服西疇。洪惟

九五之尊。歲舉

三推之典。恭膺守土。敢忘勞民。謹奉爨章。聿修祀事。惟願五風

十雨。嘉祥恒沐於

神庥。庶幾九穗雙岐。上瑞頻書於大有。尚

祭厲壇文

維某年月日。某等遵承禮部割付。為祭祀本縣闔境無祀鬼神。衆事該欽奉。皇帝聖旨。普天之下。后土之上。無不有人。無不有鬼神。人鬼之道。幽明雖殊。其理則一。故天下之廣。兆民之衆。必立君以主之。君總其大。又設官分職於府州縣。以各長之。各府州縣。又於每一百戶內。設一里長。以袖領之上。下之職。綱紀不紊。此治人之法如此。天子祭天地神祇。及天下山川。王國各府州縣。祭境內山川。及祀典神祇。庶民祭其祖先。及里社土穀之神。上下之禮。各有等第。此事神之。道如此。尚念冥冥之中。無祀鬼神。昔為生民。未知何故而歿。其間有遭兵刃而橫傷者。有死於水火盜賊者。有被人取財。而逼死者。有被人強奪妻妾而死者。有遭刑禍而負屈死者。有。天災流行而疫死者。有為猛虎毒蟲所害者。有為飢餓凍。死者。有因戰鬥而殞身者。有因危急而自縊者。有因墻垣傾。頹而壓死者。有死後無子孫者。此等鬼神。或終於前代。或歿。於近世。或兵戈擾攘。流移他鄉。或人烟斷絕。久缺其祭祀。姓名泯沒於一時。祀典無聞而不載。此等孤魂。死無所依。精魂未散。結為陰靈。或倚草附木。或作為妖怪。悲號於星月之下。呻吟於風雨之時。凡遇人間令節。心思陽世。魂杳杳以無歸。身墮沉淪。意懸懸而望祭。興言及此。憐其慘悽。故勅天下。有司。依時享祭。在京師有泰厲之祭。在王國有國厲之祭。在。各府州有郡厲之祭。在各縣有邑厲之祭。在一里又各有鄉。厲之祭。期於神依人而血食。人敬神而知禮。仍命本處城隍。以主此祭。欽奉如此。今某等不敢有違。謹設壇於城北。以三。月清明。七月十五日。十月初一日。置備牲醴羹飯。專祭本縣。闔境內無祀鬼神等衆。靈其不昧。來享此祭。凡我一縣境內。人民。倘有忤逆不孝。不敬六親者。有奸盜詐僞。不畏公法者。有拗曲作直。欺壓良善者。有躲避差徭。耗損貧戶者。似此頑。惡奸邪不良之徒。神必報於城隍。發露其事。使遭官府。輕則。行笞決杖。斷不得號為良民。重則徒流絞斬。不得生還鄉里。若事未發露。必遭陰譴。使舉家並染瘟疫。六畜田蠶不利。如。有孝順父母。和睦親族。畏懼官府。遵守禮法。不作非為。良善。正直之人。神必達之城隍。陰加護佑。使其家道安和。農事順。序。父母妻子。保守鄉里。我等闔縣官吏。如有上欺朝廷。下枉。良善。貧財作弊。蠹政害民者。靈必無私。一體昭報。如此則鬼。

新修曲沃縣志

卷十

壇壝

神有鑒察之明。官府非諂諛之祭。尚饗。

民非土無以立。非穀無以生。沃之祀社稷。義通上下。古者州社之遺也。而風雲雷雨山川。何以並祀也。嘗考唐制。天寶間。令諸郡各置風伯雨師壇。因春秋祭社之日同享。又詔祀雨師。宜以雷師同壇祭共牲。載考梁制。大同間。郡縣旱。守令齋潔三日。祈其界山林川澤常興雲雨者。歷代守之弗變也。而厲何以並祀也。既念其生。復念其死也。而里何以亦社。而鄉何以亦厲。猶是通於上下之義也。國家愛民之心。敬民之法。於是乎大備。知縣潘錦原敘